


OSTERØY KOMMUNE



**VEDTEKTER
FOR
NÆRINGS- OG SAMFUNNSUTVIKLINGSFONDET**

Innhold

§ 1	Heimel, kapital og avkastning	3
§ 2	Føremål	3
§ 3	Former for stønad	4
§ 4	Forholdet til internasjonale plikter på statsstøtteområdet	4
§ 5	Vilkår for stønad	4
§ 6	Forvaltning	5
§ 7	Rekneskap og Årsmelding	5
§ 8	Godkjenning av vedtektene	5

RETNINGSLINER FOR BRUK OG FORVALTNING AV ØSTERØY KOMMUNE SITT NÆRINGS- OG UTVIKLINGSFOND

§ 1 Heimel, kapital og avkastning

1.1 Fondskapital

Grunnfondskapitalen er ved oppstart kr 9.900.000

Som kjem frå:

Havbruksfond på kr 9.900.000 utbetalt frå staten i 2018 og vedteke avsett til fond av Heradstyret i sak HS-058/18.

Grunnfondskapitalen skal aldri vere lågare enn at den kan dekke alle garantiar som er gjevne.

1.2 Avkastning

- Renter og annan avkastning av fondskapitalen.
- Moglegheit for framtidige overføringar frå Havbruksfondet dersom denne ordninga held fram.
- Nærings- og utviklingsfondet kan òg tilførast midlar gjennom løyvingar frå heradsstyret, og ved andre overføringar frå stat, fylke eller verkemiddelapparatet.

Avkastninga kan nyttast til tilskot og/eller aksjeteikning i samsvar med §§ 3 og 4.

§ 2 Føremål

Nærings- og samfunnsutviklingsfondet skal sikre utvikling i Osterøy kommune og vere et verkemiddel i arbeidet med å fremje og styrke næringsaktivitet og vekst i arbeidsplassar, samt frivillig arbeid i kommunen. Man skal ha spesielt fokus på områdene industri, landbruk, havbruk, reiseliv og fornybar.

Nærings- og samfunnsutviklingsfondet skal vere eit verkemiddel for:

1. Bedrifter - støtte til bedriftsutvikling/etablering

Fremje, styrke og profilere næringsliv og sysselsetting i kommunen

2. Kommunale tiltak/prosjekt - støtte til kommunen sitt eige arbeid med næringsutvikling

Styrke og fremje kommunen sitt arbeid med næringsutvikling og frivillig arbeid. Dette inkluderer kommunale tiltak, som og opnar for omsøking frå andre aktørar.

Fondet kan nyttast til å løne tilsette i arbeidet med å utøve kommunen sin næringspolitikk og å forvalte fondet.

Fondet skal nyttast til å etablere «Arena for næringsutvikling» på Osterøy og sikre drifta av denne, inkludert eit forprosjekt og investeringar knytt til tilrettelegging av fysiske lokalar.

Det skal jobbast for å få på plass ein Strategisk næringsplan (SNP) som kan vere styringsdokument for støtte gjeven frå nærings- og utviklingsfondet.

Det kan ikkje gjevast tilskot til sanering av gjeld, eller til den daglege drifta av private eller kommunale verksemdar – med unntak av drifta av «Arena for næringsutvikling», samt renter og avdrag på investeringar som er gjort i tråd med fondet sitt føremål.

§ 3 Former for stønad

Stønad kan tildelast i form av tilskot og/eller aksjeteikning.

Midlane skal som regel ikkje nyttast til aksjeteikning i private verksemdar. Dersom kommunen teiknar aksjar, kan ikkje dette utgjere meir enn 30% av aksjekapitalen i verksemda. Denne avgrensinga gjeld ikkje utviklingsselskap, utleigebygg o.l. som kommunen etablerer i samarbeid med private interesser.

Tilskot gjennom nærings- og utviklingsfondet vert nedskrive over 5 år. Ved sal av varige driftsmiddel/verksemd/tilskotgrunnlag før dette tidsrommet er ute, skal kommunen ha tilbakebetaling i høve til den tid som er gått – til dømes vil sal etter 3. året tilseie at kommunen skal ha tilbakeført 2/5 av tilskotet.

Vedtak om bruk av midlar frå nærings- og utviklingsfondet skal innehalde ein utbetalingsplan, utbetaling skjer etter dokumentasjon og har tidsavgrensa varigheit på 12 månader, dersom ikkje anna frist er vedteke. Dokumentasjonen skal innehalde rekneskap og ein rapport som viser status for det omsøkte prosjektet med særleg vekt på kva støtta som vart gjeven har hatt å seie for stønadsmottakar.

Tilsegn over kr 100.000 skal attesterast av revisor. I prosjekt der det er vesentlege kostnadsavvik mellom innsendt søknad og prosjektrekneskap, kan etter nærare vurdering tildelt støtte holdast tilbake og/eller krevjast tilbakebetalt.

§ 4 Forholdet til internasjonale plikter på statsstøtteområdet

Bruken av næringsfondet skal vera i samsvar med dei internasjonale reglane Noreg har slutta seg til på statsstøtteområdet (dvs. EØS-avtala sitt regelverk for offentleg støtte). Stønad frå næringsfondet og anna offentleg støtte må, for kvar einskild bedrift, samla ikkje overskrida maksimalgrensa for «bagatellmessig støtte» etter EØS-regelverket.

§ 5 Vilkår for stønad

Det er ein føresetnad at søkjar (person/verksemd) har bustadsadresse og/eller kontoradresse i Osterøy kommune, og at aktivitet og/eller sysselsetjing finn stad i Osterøy kommune. Fondsstyret kan i særlege tilfelle avvike frå dette kravet dersom det er vektige grunnar som likevel vil kunne vere i tråd med føremålet.

Det skal sikrast at verksemd ikkje får dobbelt opp med tilskot til same tiltak/prosjekt. Bedrifter som motteke offentleg støtte pliktar å opplyse om kor mykje som er motteke dei siste 3 åra og i tillegg opplyse om eventuelle andre offentlege instansar som det søkaste tilskot frå i eit og same prosjekt. Samla offentleg støtte skal ikkje overskrida prosentvis maksimalsats for næringsfondet.

Kostnadar som er datert før søknad fremmast, kan ikkje inkludast i grunnlaget for utmåling av støtte.

Søklar må nytte Osterøy kommune sitt søknadsskjema (www.osteroy.kommune.no) for at søknaden skal kunne handsamast. Søknadsskjemaet listar opp krav til innhald i søknaden. Ta gjerne kontakt med Osterøy kommune/Arena for næringsutvikling for råd og hjelp i samband med utfylling av søknad.

Normalt sett er all søknadsinformasjon offentleg post, men søkjar kan be om konfidensiell handsaming grunna forretningshemmelegheiter. Det er søkjar sitt ansvar å eksplisitt be om eit slikt unntak. Søkjar skal vidare dokumentere, i søknaden eller som eit vedlegg til søknaden, at bedrifta har økonomisk evne til å gjennomføre prosjektet.

Får prosjektet støtte frå nærings- og samfunnsutviklingsfondet krev Osterøy kommune at det vert opplyst at verksemda/prosjektet har fått støtte frå nærings- og utviklingsfondet til Osterøy kommune.

§ 6 Forvaltning

I saker som gjeld stønad til næringslivet og det frivillige er det formannskapet som er fondsstyre. I saker som gjeld kommunale fellestiltak er det heradstyret som er fondsstyre, jfr. § 2.

Fondsmlane skal plasserast til god og trygg avkastning slik at midlane er tilstrekkelig til rådvelde til ein kvar tid. Renter og anna avkastning skal tilbakeførast til fondet, det same gjeld salssum av eventuelle aksjar.

Fondet bør tilførast nye midlar kvart år, storleik blir vedteke i samband med budsjettarbeidet.

§ 7 Rekneskap og Årsmelding

Rekneskapen vert ført av økonomikontoret i Osterøy på vanleg måte som ein del av kommunerekneskapen.

Heradsstyret skal kvart år handsama årsmelding og rekneskap, og elles vurderer bruken av midlane i nærings- og samfunnsutviklingsfondet.

§ 8 Godkjenning av vedtektene

Heradstyret kan gjere vedtak om endring av vedtektene.

Osterøy kommune
Heradstyret

Vedteke i heradsstyret 19.06.2019
Saknr. xxx/2019